

敬

一

堂

詩

鈔

敬一堂詩鈔卷十四

混同顧八代文起著

長洲彭啓豐芝庭輯

七言排律

宜良息兵

并序

順治戊戌平李定國三路進勦滇南予
年十九以蔭監充先鋒從征南將軍趙
公下夜渡盤江羅淹渡口擊敗定國其
中西兩路軍相拒定國餘黨聞風悉遁

是以兩路之軍不血刃而抵雲南信郡
王軍會城趙將軍軍宜良報捷待

命明年秋九月有

旨班師

餘孽潛奔匿遠陲宜良奏凱獲全師

乾樞一運妖星滅坤軸頻敷庶士怡戰馬嘶風肥
首稽哀鴻歸野解流離請纓自足終軍志投筆
寧求定遠期烽燧不驚瞻杲日江山堪賞樂清
時白雲惹起鄉關望獨立高峰萬里思

宿頂站

一徑穿雲越萬山時時下馬苦躋攀自朝至暮
思將歇入採擔薪羨已還三兩草房欹嶺上百
千古木異人間祇因勦粵方馳驛更爲平漠遠
度關脫粟麤漿嘗夜飯蓬頭鳩面視諸蠻殘宵
却笑奴酣睡胸滿囊籌卧那間

梧江秋夜郎觀察邀遊繫龍洲小酌

繫龍洲畔月騰光兩岸秋聲樹幾行觀察殷勤
能進酒叅謀疎放不辭觴謾言梧水非燕水且

把他鄉作故鄉，化外江天共遠壺。
中歲月與空長，一聲雁唳蘆添冷。
數片蓮垂浪帶香，他日平滇須更飲。
昆明同醉石鯨旁。

遊七星巖

并序

康熙十六年冬，兵臨端州，歌馬土人相傳。
七星巖曾有仙人，居焉指曰：與銅鼓相峙，皆古蹟也。

攬勝疑從海外來，三冬巖壑有花開。
洞門雲掩神仙宅，石磴煙分北斗臺。
樹色瘴來昏似墨，江

聲風捲吼如雷因尋野寺探茶竈更遇山僧獻
酒杯畫策荷天終靖謚息兵縮地此徘徊貪看
銅鼓遙相望更越層巒蹋落梅

再遊妙高寺

前遊曾作五字句

重探花宮景倍殊堪將靈秀比蓬壺風揚松韻
諧音律煙抹山光似畫圖樵逕可能穿古洞兵
幢應不挂仙都久懷秘策心常細獨立危峰膽
更麗萬丈崖臨江似線半空蚌吐日如珠一聲
長嘯天疑破舒卷浮雲乍有無

分兵留守潯江

旌旗耀日鼓聲齊直取滇南出粵西柳孽勢孤
潛海谷黔鴉力屈走山谿潯城獨拒三江隘賓
樹遙連萬壘迷小醜不妨多窟穴渠魁莫使解
端倪須防鄰郡藏窮寇寧礙諸蠻似小鷄此地
攸關衝要路更留名將保羣黎

進滇途中與蟒鎮南夜話

擁旄上將破炎荒愧我迂材作贊勦畫策首應
安絕徼成功次第報巖廊蠻彝傳檄恩須布道

路聞風威莫揚兵欲歛鋒當滅竈甲宜藏橐更
韜光九天一動風雲合八陣齊開日月彰操縱
正奇攻不備古來多算貴先防

鎮南兵謀

三桂滇南似尉陀操矛十萬拒山河旌旗分向
兩江渡軍旅遙從百粵過寸土堪圖謀策遠秋
毫無犯感人多輕裘緩帶羊開府聚米圖形馬
伏波宣德已教咸貢賦布仁能使盡投戈百城
不戰知堪下屈指昆明奏凱歌

聞

京都地震

并序

己未師駐邕州閱邸報

京師地大震屋多傾欹忽憶慈親倚門百

憂悵結對月長吁

慈顏冀北我南征一息心懸萬里情已自

皇州聞地震那堪邕郡聽江鳴車輪半夜腸空轉

鼓角三更夢不成書斷眼穿無雁到心煩口渴
有茶烹就牀欹枕眠還起開戶披襟坐復行獨

立寸衷無限事終宵愁對月華明

辛酉秋日題螺山西樓

性耽巖壑惡名譽味道心空似太初憑我登樓
銷暇日由他欹枕夢華胥謾尋南海求珠蚌且
引西江涸轍魚風自松間來復去雲從嶺上卷
還舒莫將遠意吟秋水聊把閒情賦子虛獨愛
青螺山似翠高軒行坐亦吾廬

辛酉冬十月蕩平滇南賦贈綏遠大將軍

賴公

數載南征七出師，貔貅百萬指滇池。
石門檻破直擒將，黃草壩爭橫奪旗。
飛渡快河收曲郡，斬關交水斷中逵。
殲來殘孽恢疆土，滌盡餘氛靖遠陲。
一自

九重杼廟算，獨將三略發神奇。
論功正擬封侯日，但惜昆明奏凱遲。

潯江

城臨二水鬱黔開，江上青山草幾堆。
昔日閭閻村似畫，今朝殘破已成灰。
地留古蹟山猶在天。

欲時清我更來
隙影白駒光若箭
灘聲黑浪吼如雷
算多增減行營
竈策決遨遊進酒杯
一戰成功何足道
蠻疆凋敝貴栽培

登三華山眺昆明池

輿圖披閱意茫然
策馬三華眺遠天
波浪始憐今日靜
旌旗猶憶漢時懸
池中倒影千峰日
岸上搖青萬樹煙
幾個漁舟晴泛泛
一雙巢燕晝翩翩
已知雲物承平世
不是干戈據竊年
一自滇江沉鐵鎖
將軍應不讓樓船

康州李氏林園

名園風景最宜春花木無知也向人水態不離
池上綠鶯聲偏在柳邊新門通山徑時遊鹿亭
隱松雲暗避塵垂壁薜蘿紅滿澗侵階苔蘚綠
成茵方留學士談經罷更引將軍酌酒頻我欲
言歸猶未得一谿桃李正相親

邕州簡兩廣金制府

依山背水戰邕濱獨展囊籌在此辰八陣但憑
排壘石六花何用填車塵出其不意方能勝破

抵沅病愈始抒積懷一遊目焉

沅江波浪碧連天
萬里頻過記後先
戰伐寧觀新竹樹
雲霞細認舊山川
微疴寓目方今弱
冠從軍是昔年
啼鳥和歌聲共雅
肆魚送酒味偏鮮
西憐綠水分流楚
北憶清風至自燕
滇粵已平無事際
仰瞻白日正高懸

雜詠

淡煙籠月夜如何
閒蹋花陰獨嘯歌
借杖扶顛憐步蹇
辭官養疾沐

恩波

九重文藻方遶士四海承平久息戈懶漫老翁堪
閉戶輕肥年少任鳴珂謾言當日爲喉舌且喜
今朝隱薜蘿三徑荒蕪車騎絕龍鍾莫更覓巖
阿

偶成

循環日月景何如不盡年光正有餘紅燭燒殘
諸念息黃梁夢覺此身虛熟看新蕊時開謝聊
見浮雲自卷舒八擢何須稱劒馬一生應更託

詩書柴門無客來題鳳渭水憑誰可釣魚但識
繩牀容老病非關獨與世情疎

述舊

懶漫常思作隱淪忽然珥筆走風塵祇緣滇粵
無寧處敢謂庸愚不致身未戰下城原有策赦
降來遠本由仁老安其志應難遠忠告之言轉

見嗔舟殺撫蠻承廕叛

傳撫蠻既敗待罪軍中
時馬承廕始降與撫蠻

數往來公料承廕必叛言于撫蠻毋墮豎子術
中撫蠻不聽承廕一日邀撫蠻飲既登舟順流
而下終為所殺兵屯澤國日聞臣於今偶憶平吳事抱

膝長吟白髮新

歸來吟

百戰歸來一橐空殘軀未老已成翁每歆枕上
思看月纔到簷前轉畏風酒欲消愁徒醉癡
雖徹骨那詩工偃僂病覓七年艾應對門無三
尺童送客偶行蓬戶外聞鶯猶在竹齋東披襟
徙倚閒扶杖舒卷浮雲盡目中

憶昔

憶昔微忱展壯猷百年身世獨悠悠行藏未羨

孫弘閣去住空思范蠡舟曾擬溧溪堪削跡寧
知冠蓋復淹留講帷翰墨供趨侍園壁林泉作
卧遊几席之間能自得詩書以外復何求莊周
夢化園中蝶屈奕機忘海上鷗四皓還山終有
道二疏歸里更無憂今朝棲隱吾高枕一任春
光笑白頭

遇故人話舊

君心獨與衆人殊同病應非笑我迂坎坷百年
誰更在顛顛一杖相扶青春回首如前日白

髮低懷盡老夫沽，
河盈樽愁共破捲簾看竹意。
堪娛鳴蛙音響爲歌吹，
古壁丹青似畫圖。
若問棲遲何所事，
等閒風月伴殘軀。

卧病

茅堂卧病意何如，
靜送流光悵索居。
西舍絃歌聽去熟，
南枯身世覺來虛。
檻前花蕊經開謝，
戶外雲衣任卷舒。
祿米

恩波猶未已，
軒車舊跡久相疎。
但須飲藥常欹枕，
那得持竿更釣魚。
漸把朝衣俱典盡，
空齋獨剩

鄴侯書

庚辰涂月立春後二日蒙

恩致仕

十五年來侍

禁闈兢兢戰戰敢言歸校書方始辭天祿抱病猶
難覓釣磯臘愛中旬梅馥馥春憐二日雪霏霏
歲寒閒聽松聲勁夜靜愁看燭影微久擬殘軀
親卧榻今蒙

恩命解朝衣括囊但問林泉事從此襟懷永息機

淮休後回憶江南舊跡

憶昔從戎獨決機也隨百戰突重圍佐軍已應
籌囊箕報

國非關著鐵衣豈料愚謀恢海宇翻教直慙侍

宮闈二疏辭

闕情猶戀四皓還山跡轉違回首空林皆寂寞低
懷往事更依稀衰顏不用延年術自靜其心聊
掩扉

偶閱滇南舊草

敬一堂詩鈔卷十四 七言排律上

霜侵竹院曉窗寒偶檢殘編仔細看留守蒼梧
存舊草從征洱海靖狂瀾幾多布陣憑山石一
半囊籌在馬鞍佐戰風雲今不用干城士卒盡
爲官蕩平黔粵云良易培養烝黎謂獨難幸活
滇民數百萬寸心此日稍爲安滇南既破將軍
意欲屠戮公曰
不可數止之惟斬其渠魁血刃不及士民城中
紳士慮公德欲金四十萬爲公壽公怒曰我活
滇民非圖報也爾等敢再言報
當白將軍斬之滇民益敬服

自適

殘軀幸得息勞肩
行愧家無趙壹錢
敢道五車

堯天

羅架滿憑教一釜作鐘懸流離顛沛雖云罕福
壽康寧亦偶然已任歸林閒適意不妨穿榻久
高眠野愚禮樂從先進明哲心身自保全四海
承平無事日壤歌鼓腹樂

東莊

盤山之下一東莊野水微波擬作塘檜柏繞門
藏石逕藤蘿垂院逼茆堂有情粉蝶尋芳草無
數昏鴉噪夕陽倚杖方看人墜馬臨岐不覺已

敬一堂詩鈔

卷十四

七言排律

三

亡羊側身萬古乾坤靜回首孤衷日月光偶向
田園隨所適漢陰抱甕意偏長

春遊東山邦均冷口別墅

垂老三冬卧草堂春來促我興偏長邦均地接
天承寺冷口山藏隱者莊幾畝圭田堪給日數
椽茅屋但容牀載書坐此還應讀取酒求賒未
許嘗百里林泉勞往返一身澹泊付行藏白頭
遊覽無窮意吟對殘紅戀夕陽

敬一堂即事

柴門客扣鳥啼時，屢相迎知爲誰。
十載別離同笑老，一樽相對共談詩。
羨君皓髮情如舊，愧我殘軀志已衰。
舉世人猜懷白璧，平生友諒感清規。
祇須居處心常坦，莫慮東西路更岐。
不獨分陰應自惜，三三損益盡吾師。

春日呂家莊

清河之北區家莊，門映春溪野草香。
遙望溫泉千樹密，閒尋古道一身忙。
青鞋布襪何妨敝，水意山情本自長。
茅屋三間堪暫隱，梅花數點爲

誰芳張衡徒蓄歸田志阮籍寧知慢世狂袖拂
東風天地闊荒村更有一繩牀

草堂漫成

方寸獨持任毀譽白頭但讀古人書分陰到老
尤當惜冷甑生塵亦自如曉樹鶯聲春院靜夜
窗竹影月堂虛盡知至者宵無夢誰謂狂夫培
有魚習靜便教塵慮淡放懷非與世情疎何須
更買青山住隨處皆堪作隱居

遙憶北墅

遙負林泉久見招
清溪猶可絕塵囂
籬邊飛鳥穿蓬戶
水畔垂楊覆石橋
遠載車書閒檢點
時扶竹杖自逍遙
浪花搖漾魚游躍
風韻呢喃燕語調
樹色四圍如畫裏
人煙一半在山腰
謾言垂釣情堪適
更上雲峰羨採樵

敬一堂偶成

百年不整破柴門
半似塵寰半似邨
飛鳥鳴春花徑曙
棲霞啼樹草堂昏
鄴侯老去書千架
陶令歸來酒一樽
話舊偶因逢野叟
扶人更爲抱

曾孫

兩朝未盡孤臣志四世皆蒙

聖主恩

順治康熙是爲兩朝公父及公之字孫是爲四世

卻喜五兒多子姓

時時膝下聞寒溫

晚節吟

老病由他歲月磨偏于晚節學吟哦風雲任爾
從龍虎花鳥憑予寄嘯歌漳許鷓鴣詩已別漆
園蝴蝶夢空多松因一幹難巢鶴書作千空那
換鷺窗下囊琴空作枕月中鋤硯不須荷白駒

穿隙流光速更惜分陰莫浪過

敬一堂詩鈔卷十四

敬一堂詩鈔卷十二

混同顧八代文起著

博陵尹會一元孚輯

五言絕句

息兵德慶北遊香山乾明寺

剎古僧言蠹林深客意閒
祇因息戈日散步到香山

卜築

謾言千古業但愛一溪雲
卜築東山下鶯花老

見聞

自適

濟世伊人在老夫獨掩關
垂簾惟自適任彼笑痴頑

期友人不至

此日思君飲草堂自早開
不知緣底事薄暮未曾來

菊秋聞笛

折菊霜籬曉高空一雁飛
何人吹玉笛遠韻遏

雲微

秋

商氣肅然至蒲荒潦水收
梧桐初下葉萬里一時秋

風

自起青蘋未能吹百卉妍
偶然聊偃草終是化爲先

草

任教牛馬牧食盡復能生
自入池塘夢春來更

有情

竹

淇水曾稱菰清疎異樹林枝枝俱有節直幹抱
虛心

葵

一莖花一朶託根不在林人誰能解意同懷向
日心

菊

一自別陶令東籬幾度花祇因宜晚節不是避

春華

筆

一自蒙恬製千秋毫貴純莫教刀筆吏借爾中
傷人

扇

能教風自至每到夏偏親莫使頻相避元規此
日塵

劍

因未化龍去猶含萬古光只堪藏石匣何用出

魚腸

爰

入竈炊朝爨添爐燃夜香成灰非足惜既濟獨
相當

蛩

秋氣侵堦草蛩吟月下聲白頭人不寐坐起聽
三更

雁

弧矢驚飛散長空一兩聲離羣宵未落誰解是

孤鳴

古劍

自闢陰陽後
韜光秘匣中
千秋人莫辨
一視化爲虹

烏薪

爾身同墨吏
染指便成污
縱益三冬暖
終教火盡爐

脫穎

一自離斑管
誰憐作字時
知音惟智永
數斗轉

爲奇

爆竹

爆竹聲何雄藥累千重紙胡爲止一聲紙與聲
俱死

風鳶

可惜春風意偏教付紙鳶憑人牽一線安得戾
青天

蒲扇

青蒲辭綠浦爲器可邀風不讓齊紈素涼生一

樣同

斑竹

不是尋常竹湘江有古根如何千載後猶染萬竿痕

盆菊

亦是東籬種偏教瓦器栽黃花知九日對酒幾盆開

墨竹

幾叢空似墨惟管可能文不染湘妃淚蘇公愛

此君

聞蛩

霜冷鳴牀下愁聞斷續聲清吟惟在室懶婦不
曾驚

聞雁

欹枕數殘更忽聞一雁聲何當秋月夜更動別
離情

山居

繞舍一灣水門前五峰有時尋鶴去巖上倚

孤松

其二

野墅林間靜巖棲物外閒
偶從樵逕過獨下萬重山

其三

久無青史志獨有白雲心
終日空山裏高眠枕素琴

其四

肆志非輕世憑高似御風
手攀峰上月一嘯萬

山空

懷友

檻外幾花開
伊人獨未來
坐憐紅蕊謝
落日照青苔

獨立

老樹巢孤鶴
空階生綠苔
悠然天地靜
獨立白雲隈

寄友

披函追古意
謀道返初心
旣備凝承具
聞君賦

上林

痼疾吟

老夫有痼疾吟詠不求工萬事無開礙蕭然但
固窮

行藏

行藏惟自信但不務虛譽居易原無俟擁書樂
有餘

秋色

秋逐千林碧霜添幾葉紅不知天上佳色與世

間同

懷靳文襄公

底定何人在河流空古今平生追禹迹曾記慰

堯心

敬一堂詩鈔卷十五

敬一堂詩鈔卷十六

混同顧八代文起著

長白鄂容安虛亭輯

七言絕句

讀史

夢醒鶯啼萬樹中
掃花讀史坐春風
流光如矢人空老
尚父徒然棄釣翁

其二

馬踏花泥帶雨濃
謾言屯蹇且從容
千秋更笑

劉先主徒識隆中有臥龍

其三

陶令悠然臥北窗品高詩澹亦無雙
遣懷只有東籬菊晉室雖亡獨未降

其四

却金不獨畏人知警惕尤開幕夜時
謾說囊錐終自處一言千古可爲師

其五

五陵年少盡輕肥臥雪袁安獨忍饑
高士從來

惟潔已行藏不與寸心違

其六

六月圖南去不歸
天池聊爾一高飛
扶搖共信漆園語
何事荒唐世莫譏

其七

五月披裘一老漁
不知世事更何如
垂綸莫使輕投餌
仔細看他赤尾魚

其八

虎視徒稱烈丈夫
劒橫秋水是昆吾
淮陰胯下

絲若米更請偏裨盡狼屠

其九

猷猷耿弇自把犁祗因世亂起關西荒原一望
牛羊遍恢復名同列宿齊

其十

千秋無忌乃奇人椎奪兵符獨破秦客勸單車
能救魏侯生毛薛盡趨倫

雜感

輪蹄舟楫遍天涯竭蹶惟存報

國懷一篋圖書歸復

命今朝喜有會心齋

其二

簷前一日幾徘徊興至吟詩并把杯自入戶庭
方睡覺林中細雨濕蒼苔

其三

秋蘭在畹正清芬野鶴棲松本不羣垂老更宜
存夜氣人間世事等浮雲

其四

珥筆晨昏奉

紫垣曾將經學啓

諸藩於今老病容高隱豐草眠來一枕存

其五

當時盡瘁老征鞍五十年中飽暑寒今日狂愚人不厭披荷坐石獨盤桓

其六

歸隱飄然獨似仙不衫不履任高眠繩牀喜有殘書在仰讀乾坤日月懸

奏豈

百粵山川萬里遙羣黎無不感

熙朝甲兵銷盡耕農樂鳴鳳來儀愛樂調

平滇

臥鼓揮戈搗逆巢貔貅百萬奮魚休兩江六詔
論功績焉得人人賜錦袍

冬夜讀書

中宵披卷對青燈一善拳拳強服膺我欲書紳
猶未得寒侵硯水已成冰

范少伯

鷓鴣夷傳說載西施湖上萍蹤萬古疑
既作君妻誰敢犯況當高士轉無知

東方曼倩

豈信人間有歲星金門老死始知靈
武皇英睿空追歎無復詼諧侍漢庭

無題

指授奇正奪險關囊籌百戰滅凶頑
平滇請看論功地邛笮將軍倚樹閒

盆草

鷓鴣聲殘秋色零一園花謝竟無馨
怡情種得盆中草不讓巖松四季青

琪園

鶯啼喬木隔溪聽花逐春風香滿庭
盡道琪園紅勝錦誰言松柏歲寒青

雜詠

不使飢寒累寸心晚年宜更惜分陰
平生非爲功名誤只是盤根愧未深

其二

自笑古稀始學吟彈琴更不待知音白頭非是
慕狂客因有餘閒且散心

其三

七十年來不自由今朝林臥始忘憂柴關一閉
無人扣風月偏來慰白頭

其四

獨坐花前對一樽蛾眉月出正黃昏瓶香忽爾
來蝴蝶只當莊生舊日魂

其五

草茆師道敢言尊祇爲

諸藩禮數敦腹滿詩書貧不礙泮然之氣滿乾坤

其六

一聲白雁水雲間落帽當年亦等閒九日風流千古話至今誰更上龍山

其七

東籬無數菊花黃陶令樽空歎晚香忽有江州

來送酒不教幽興負重陽

其八

海濶天空萬象清
祇因三五月華明
心燈如鏡照千古
別作深山一段情

追憶蟒鎮南

鎮南勇略秉麾旄
禮士親賢不憚勞
百粵芳平星已隕
六公祠內肅清高

其二

智仁嚴勇信俱全
飢苦身將士卒先
人說峴山

碑墮淚錢南應不讓前賢

微忱

時噶爾旦叛

御駕欲親征下廷臣議王公諸臣無有敢止者公獨曰不可曲盡忠言終莫能止六軍出中路大將軍費揚古出西路遇噶爾旦克之

白髮如絲心玉壺無兄無弟一身孤微忱曲盡北征議但使將軍可破吳

詩鈔

卷八

言絕句

大將軍費揚古平定回疆

師行沙漠不逢人報

國知誰更致身西路孤軍能轉勝費公一戰靖胡塵

誦詩

六經醉我是生涯茆屋窗前竹樹遮豈曰誦詩知鳥獸一言以蔽思無邪

四季花

萬紫千紅總是霞絳桃芍藥與榴花
梅秋菊

香偏澹白髮終年翫物華

行藏

侍

君左右豈無方骨鯁憑人話作狂獨擬丹心明日月
致身焉敢問行藏

松梅

久將事業付東流但種松梅意自由蒼色古香
寧畏雪益予窗牖歲寒幽

樂溪

卜築灤溪魚米鄉何須嚴瀨釣嘉魴清心寡欲
堪延壽不覓長生世外方

閒情

自違冠帶賦閒情竹杖繩牀了此生萬事無關
心自靜有時聽鳥傍花行

履端

臥病空齋歲幾更迎春小鳥傍窗鳴扣門多少
軒車客但爲年光世故情

四時吟

夏坐松陰澗水邊冬吟梅雪臥青氍毹秋來獨采
延齡菊春醉東風百卉前

榆錢

春深榆莢逐輕煙飛向空堦似小錢買得韶光
須盡醉等閒風日度流年

柳絮

柳拂池塘水面開如綿如雪暗飛來那堪體弱
因風舞半墜階前似落梅

筆花

五色毫光莫漫猜
非關桃李亦非梅
燈花那得生湘管
曾向江淹夢裏開

酒花

爐火蒸翻似浪花
半如蘋藻半如霞
春風不落杯中蕊
醉煞仙人萼綠華

眼花

官官相類且相疑
人說方知目力遲
虛白生明花滿眼
一枝看作兩三枝

劍花

昆吾出匣夜光奢秋水還疑有浪花靜看眩睛
生五彩一揮四壁散流霞

燈花

一燈自照引蛾來紅淚垂垂未是灰欲燼蘭膏
偏吐焰豈因報喜向人開

心花

愁來具塞喜方開生自心田不用栽發出青蓮
花盡慧靈光一點絕塵埃

鏡花

開匣妝成照綺霞
曾隨謝女到王家
出塵金鑑原無物
借得佳人髻上花

雪花

六花飄蕩落階輕
非絮非梅別有情
壓盡埃塵千片白
靈根解道自天生

浪花

一泓碧水淨如空
萬點珠花祗爲風
逐浪遊魚食不盡
朝華散彩映霞紅

天花

不寒不暑識天時月裏無香桂一枝變幻雲霞
花似錦空中開謝那能知

雨花

絲絲細雨傍池斜點水團團似落花縱有東風
吹不起紅垂檐霑帶晴霞

墨花

輕煙易水杵千槌磨出奇香滿硯池細運有輝
如漆黑含華應不借芳枝

煮茶

瓶收雪水十年餘自製茶鐺火貴徐昨得南州
新雀舌烹來助我讀殘書

戊午秋梧江看月

梧江秋氣塞乾坤獨立江頭祇自言記得少陵
千古句看他孤月浪中翻

遣懷

自笑疎狂白髮翁杖藜答拜藐王公陶情別有
閒風月伴我長吟竹樹中

癡

年來對鏡笑吾癡牛馬憑呼久不知渴飲饑餐
無別事困長眠早起長遲

自慰

無端檐鳥向人窺祇爲瓶花香外移萬事不關
心自靜任他塵甑且吟詩

蒼梧

山水平生每自怡梧江今日令人悲可憐百戰
屍橫野南北閨中那得知

贈道者

獨坐方壇幾十春傳聞辟穀脫凡塵今朝共飲
油囊酒始解原非遠世人

慨昔

笑問春風花幾枝囊籌已盡兩江時今朝且飲
樽中酒世事浮雲莫更思

對鏡

頭白心雄尚未知忽驚鶴髮鏡中絲愁紋滿面
皮白骨不似當年少壯時

思鄉

久憶興都有敝廬幾回欲去又停車牛眠原上
一坏土鶴化遼東事已虛

自慨

志擬飛鵬九萬程百年坎壈愧平生於今惟有
書堪賴能滌塵心似水清

蛇山

蛇山不與鳳山同策蹇登臨眺遠空長嘯一聲
虛谷應泠然頂上振衣風

琪園賞蕙

琪園獨愛蕙蘭香
香滿幽亭水滿塘
更羨仙姿稱國色
不教紅藥冠羣芳

病

破屋畏風四面吹
況當抱病臥牀時
獨親藥餌忘朝暮
不爲擁書但下帷

客至

樽前遣興稼軒詞
窗下陶情子美詩
客至人扶強答拜
兒童掩面笑狂癡

閉門

花裏柴門久不開幸無問字蹋青苔讀書但種
檐前樹一任鶯啼自去來

醉吟

祇爲衰殘脫錦袍身同鷄雀隱蓬蒿煙霞不笑
疎狂叟任典朝衣醉濁醪

酬趙總戎招飲

細柳營中甲仗鮮傾心此日醉華筵滇南莫謂
山河險已喜將軍早著鞭

趙總戎用公計取
銀錠山下滇城

風雨渡黃河

水滾沙翻不易過
況當風雨渡黃河
正襟危坐漏船上
命付舟師奈若何

秋荷

涼飈一夕遍池塘
零落蓮房半不香
周子今看仍愛否
數莖空自映斜陽

露

霏微澹蕩浸花鬚
不獨聲無臭亦無
暗濕秋衣宵半冷
風搖荷葉未成珠

賞玉蘭花小酌

玉蘭花發滿庭芳與客銜杯興更長解意春風
時拂席吹來數片白於霜

月

清宵皓魄一輪孤經漢穿雲乍有無萬壑千山
渾似畫九州徧照未全殊